

սուրբ աթոռոցն յ՛երբ վնաս եհաս, եւ կամ
այլ քաղաքէ. զի զինչ վնաս որ եղեալ է եւ
լինի, ի յայս քաղաքէս եղեալ է եւ լինի.
վասն այն խնդրեմ ի մեծ քաղաքս լինի կա-
տարեալ սէր եւ հաշտութիւն եւ ուխտադրու-
թիւն, զի սուրբ յերուսաղէմ մինչ ցայսօր
որպէս եղեալ է, նոյնպէս հաստատ մնացէ.
զի մինչ լուսահոգի Գրիգոր Եպիսկոպոսն՝
ի մեռանել միոյն միւսն առաջնորդ լինէր,
իսկ այս երեք տարիս չորս առաջնորդ մի-
մեանց յափշտակեցին եւ այսքան դրամ ծախ
եղեւ: Ձիմ աղաղակ եւ լացս այս է, զի մի
լիցի իբրեւ Ստամպօլու պատրիարկութիւնն.
քանիցս անարժանք եւս են պատրաստեալք՝
թէ մեք եւս առնումք սուրբ եկեղեցւոյ զա-
ռաջնորդութիւնն: Այլ եւ աղաչեմ եւ խընդ-
րեմ ի ձէնջ, սիրելի որդի՛ք, վասն Աստու-
ծոյ եւ սիրոյ սուրբ յերուսաղէմայ քանի մի
դօլվաթաւորք ընդ Եղիազար Հոգեւոր Տի-
րին դայք ի Մայրաքաղաքս. երեւելի տեղ-
եացն եւ քաղաքացն եւս գրենք, անդուստ եւս
զան, զինչ որ Աստուծոյ հաճոյ է եւ սուրբ
աթոռոցն հաստատութիւն եւ տառապեալ
ազգիս օգուտ՝ միաբանութեամբ հաճիմք եւ
հաւանիմք օրհնութեամբ եւ անիծիւք փա-
զիմք եւ ապա թաղաւորական զծով կնքեմք,
որ այլ անկարգ սեւագլուխք չկարենան խախ-
տել, զի չարն սատանայ ի անկարգ սեւա-
գլլխիցն չէ հեռանալ եւ օսմանցիք իւրեանց
դռնէն դրամ տրուղքն եւ խոստանողքն յետ
չեն դարձուցանել: Վասն այն խնդրեմ եւ
հայցեմ եւ աղաչեմ զսիրելի որդիքս, քանի